

## Inngangur

Lagabreytinganefnd BHM hefur fundað reglulega frá haustinu 2020 og skoðað gildandi lög Bandalags háskólamanna og óskað eftir tillögum frá aðildarfélögum. Er það í samræmi við lög bandalagsins um starf nefndarinnar. Hér birtist afrakstur vinnu nefndarinnar. Hugmyndirnar voru kynntar aðildarfélögum BHM á opnum fundi þann 17. mars 2021 og óskað eftir athugasemdum og/eða tillögum frá aðildarfélögum og veittur tímafrestur. Engar viðbótartillögur eða hugmyndir við það sem kynnt hafði verið bárust. Á opna fundinum var nokkur umræða um tillögu um breytingu á nafni bandalagsins. Niðurstaða lagabreytinganefndar hvað þá tillögu varðar var sú að umræða um breytingu á nafni bandalagsins þarfnist „meiri þroska“ og hreinlega dýpri umræðu. Auk þess að í tillögunni felst að kynhlutleysa ekki bara nafn bandalagsins heldur lögin sem slík. Það er því í sjálfu sér ekkert til fyrirstöðu en slíkt kallar á nokkra vinnu og yfirferð. Að þessu sinni leggur lagabreytinganefnd því ekki til að nafni bandalagsins verði breytt en hvetur til þess að þeirri umræðu verði haldið áfram og hún til lykta leidd.

Um er að ræða 19 lagabreytingatillögur sem eiga það flestar sammerkt að fela í sér litlar eða engar efnisbreytingar heldur er verið að skerpa á framkvæmd sem hefur verið við lýði eða koma í veg fyrir óvissu. Þá er verið að samræma form fastanefnda.

Lagabreytinganefnd BHM – Reykjavík 15. apríl 2021

Grein	Breytingartillaga
3.1. Undirbúningur og tímasetning	Viðbót að stjórn geti ákveðið að aðalfundur sé rafrænn eða blandaður fundur.
3.2. Framboðsnefnd	Lagt til að framboðsnefnd verði fastanefnd og um hana gildi sömu reglur og aðrar fastanefndir. Þetta ákvæði fellur því brott. Sjá gr. 6.0
3.5. Efni fundarboða	Uppstillingarnefnd verður framboðsnefnd. Misfórst að breyta þegar nafni og starfi nefndar var breytt á sínum tíma
3.6. Dagskrá aðalfundar	Ekki verður lengur atkvæðagreiðsla um starfsáætlun sem er samþykkt af stjórn og formannaráði og skal kynna á aðalfundi skv. gr. 8.2
4.3. Fundir	Bætt við ákvæðið að formannaráð fylgi fundarsköpum sem það setur sér og að þau skuli kynnt á fyrsta fundi formannaráðs eftir aðalfund.
5.0. Skipan stjórnar	Tvítækning um rafræna kosningu felld burt.
5.0.2. Kosning stjórnarmanna	Varamenn framvegis kosnir til tveggja ára og einn annað hvert ár sbr. gr. 5.2.
5.2. Kjörtímabil	Lagt til að kjörtímabil varamanna verði 2 ár og einn kosinn árlega. Sá sem setið hefur lengra inn á kjörtímabil er 1. varamaður við forföll aðalmanns. Áréttað að nýr varaformaður er kosinn úr hópi stjórnar BHM.
5.4. Stjórnarfundir	Bætt inn að sá varamaður sem hefur setið lengur inn á kjörtímabil er 1. varamaður og skal kallaður inn á undan.
6.0 Fastanefndir	Kjör aðal- og varamanna samræmt í ljósi ábendingar framboðsnefndar. Einnig lagt til að í gr. 6.0 verði sameiginleg ákvæði fyrir allar fastanefndir í stað þess að ákvæðin verði hér og þar eins og verið hefur.

6.0.1. Framboðsnefnd	Lagt til að framboðsnefnd verði fastanefnd og því kjörin til tveggja ára í stað eins árs áður. Einnig lagt til að framboðsnefnd skili niðurstöðum 4 vikum fyrir aðalfund í stað 8 vikna í gildandi lögum.
6.0.2. Kjörstjórn	Samræming. Varamenn verði tveir í stað eins áður og árlega verði kosinn einn aðalmaður og einn varamaður til tveggja ára hvor.
6.0.3. Kjara- og réttindanefnd	Samræming. Hluti stjórnar og varamenn kosnir árlega. Hlutverki nefndarinnar sem kemur fram í erindisbréfi bætt inn.
6.0.4. Jafnréttisnefnd	Samræming. Hluti stjórnar og varamenn kosnir árlega. Hlutverki nefndarinnar sem kemur fram í erindisbréfi bætt inn.
6.0.5. Lagabreytinganefnd	Samræming. Hluti stjórnar og varamenn kosnir árlega. Hlutverk óbreytt frá því sem segir í gildandi lögum.
6.2. Opnir fundir	Áréttað að kjörstjórn og framboðsnefnd halda ekki opna fundi enda eðli starfsemi þeirra slíkt að það er óþarft.
6.3. Kjörtímabil	Fellur brott þar sem textinn hefur verið færður inn í gr. 6.0
11.0. Gildistaka	Fellur brott.
Bráðabirgðaákvæði	Óvirk ákvæði felld brott og ný sett inn til að bregðast við lengdu kjörtímabili varamanna og að nýr varamaður verði kjörinn árlega.

Núverandi grein	Tillaga (greinin orðist svo án yfirstrikana og feitletrunar)
<b>3.1. Undirbúningur og tímasetning</b>  Aðalfund skal halda fyrir lok maímánaðar ár hvert. Formannaráð undirbýr aðalfund og ákveður dagsetningu hans á fundi í síðasta lagi í febrúarmánuði. Formannaráð ákveður hvaða starfsnefndir starfa á aðalfundi. Stjórn BHM ber ábyrgð á framkvæmd aðalfundar.	<b>3.1. Undirbúningur og tímasetning</b>  Aðalfund skal halda fyrir lok maímánaðar ár hvert. Formannaráð undirbýr aðalfund og ákveður dagsetningu hans á fundi í síðasta lagi í febrúarmánuði. Formannaráð ákveður hvaða starfsnefndir starfa á aðalfundi. Stjórn BHM ber ábyrgð á framkvæmd aðalfundar <b>sem er að jafnaði staðfundur. Stjórn BHM getur ákveðið að fundurinn verði rafrænn eða staðfundur og rafrænn. Heimilt er að atkvæðagreiðslur fari fram rafrænt.</b>

### Rökstuðningur

Stjórn er ábyrgðaraðili á framkvæmd aðalfundar og því eðlilegt að hún taki ákvörðun um form aðalfundar. Í praxis yrði ákvörðun væntanlega alltaf tekin í samráði við formannaráð eins og verið hefur.

Núverandi grein	Tillaga
<p><b>3.2. Framboðsnefnd</b></p> <p>Framboðsnefnd skal kosin á aðalfundi og skal vera skipuð fimm aðilum og tveimur til vara. Skipunartími framboðsnefndar er milli aðalfunda BHM. Nefndarmenn skulu vera fullgildir meðlimir aðildarfélaga BHM.</p> <p>Stjórn BHM kallar nefndina saman að jafnaði innan mánaðar frá aðalfundi BHM. Á fyrsta fundi skiptir nefndin með sér verkum.</p> <p>Hlutverk framboðsnefndar er að auglýsa eftir frambjóðendum í trúnaðarstörf, skv. lögum þessum, m.a. til formanns, varaformanns, stjórnarmanna BHM, nefndarmanna í fastanefndir auk varamanna. Nefndin skal tryggja að framboð séu í samræmi við lög þessi. Komi ekki fram framboð í öll trúnaðarstörf skal nefndin kalla eftir viðkomandi framboðum að nýju og/eða leita til aðildarfélaga eftir framboðum.</p> <p>Framboðsnefnd starfar eftir sérstökum reglum sem formannráð setur hverju sinni. Framboðsnefnd skilar lista með nöfnum frambjóðenda í kjöri eigi síðar en 8 vikum fyrir aðalfund BHM til kjörstjórnar BHM.</p>	<p>Greinin fellur brott og ákvæði um framboðsnefnd færist undir grein 6.0.1. Nefndin verður framvegis fastanefnd.</p>

Núverandi grein (án yfirstrikana)	Tillaga (greinin orðist svo án yfirstrikana og feitletrunar)
<p><b>3.5. Efni fundarboða</b></p> <p>Í fundarboði skal geta dagskrár en auk þess skulu tillögur <del>uppstillingarnefndar</del> fylgja fundarboðinu. Þá skulu tillögur stjórnar BHM og einstakra aðildarfélaga um breytingar á lögum bandalagsins fylgja fundarboði. Aðrar lagabreytingar verða ekki teknar fyrir.</p> <p>Öll fundargögn aðalfundar skulu gerð aðgengileg fulltrúum aðildarfélaga BHM eigi síðar en 7 dögum fyrir aðalfund.</p>	<p><b>3.5. Efni fundarboða</b></p> <p>Í fundarboði skal geta dagskrár en auk þess skulu tillögur <b>framboðsnefndar</b> fylgja fundarboðinu. Þá skulu tillögur stjórnar BHM og einstakra aðildarfélaga um breytingar á lögum bandalagsins fylgja fundarboði. Aðrar lagabreytingar <b>tillögur</b> verða ekki teknar fyrir.</p> <p>Öll fundargögn aðalfundar skulu gerð aðgengileg fulltrúum aðildarfélaga BHM eigi síðar en 7 dögum fyrir aðalfund.</p>

### Rökstuðningur

Uppstillinganefnd var felld niður þegar framboðsnefnd kom inn í lögin en að misförst að breyta þessari grein.

Núverandi grein (án yfirstrikana)	Tillaga (greinin orðist svo án yfirstrikana og feitletrunar)
<b>3.6. Dagskrá aðalfundar</b> Á dagskrá aðalfundar skulu vera eftirtaldir liðir: <ol style="list-style-type: none"> <li>1. Kosning fundarstjóra og ritara</li> <li>2. Skýrsla stjórnar</li> <li>3. Reikningar BHM</li> <li>4. Starfsáætlun</li> <li>5. Ákvörðun árgjalds</li> <li>6. Fjárhagsáætlun til kynningar</li> <li>7. Lagabreytingar</li> <li>8. Tilkynningar um breytingar á skipulagsskrám og reglugerðum sjóða og staðfesting þeirra</li> <li>9. Kjör/kosning formanns og varaformanns (sbr. þó rafræn kosning skv. gr. 5.0.1)</li> <li>10. Kjör/kosning stjórnarmanna og varamanna í stjórn</li> <li>11. Kjör fulltrúa í fastanefndir, framboðsnefnd og stjórnir sjóða</li> <li>12. Aðildarumsóknir</li> <li>13. Breytingar á stefnu BHM</li> <li>14. Önnur mál</li> </ol> Atkvæðagreiðsla skal fara fram um liði 1, 3, <del>4</del> , 5, 7, 10, 11, 12 og 13. Atkvæðagreiðsla um mál sem lögð eru fram undir öðrum málum fer eftir atvikum hverju sinni.	<b>3.6. Dagskrá aðalfundar</b> Á dagskrá aðalfundar skulu vera eftirtaldir liðir: <ol style="list-style-type: none"> <li>1. Kosning fundarstjóra og ritara</li> <li>2. Skýrsla stjórnar</li> <li>3. Reikningar BHM</li> <li>4. Starfsáætlun</li> <li>5. Ákvörðun árgjalds</li> <li>6. Fjárhagsáætlun til kynningar</li> <li>7. Lagabreytingar</li> <li>8. Tilkynningar um breytingar á skipulagsskrám og reglugerðum sjóða og staðfesting þeirra</li> <li>9. Kjör/kosning formanns og varaformanns (sbr. þó rafræn kosning skv. gr. 5.0.1)</li> <li>10. Kjör/kosning stjórnarmanna og varamanna í stjórn</li> <li>11. Kjör fulltrúa í fastanefndir, framboðsnefnd og stjórnir sjóða</li> <li>12. Aðildarumsóknir</li> <li>13. Breytingar á stefnu BHM</li> <li>14. Önnur mál</li> </ol> Atkvæðagreiðsla skal fara fram um liði 1, 3, 5, 7, 10, 11, 12 og 13. Atkvæðagreiðsla um mál sem lögð eru fram undir öðrum málum fer eftir atvikum hverju sinni.

### Rökstuðningur

Lagt er til að ekki verði lengur atkvæðagreiðsla um starfsáætlun skv. 4. tölul. Samkvæmt gr. 8.2 í lögum BHM gerir stjórn starfsáætlun og samþykkir fyrir sitt leyti, kynnir því næst fyrir formannaráði sem samþykkir fyrir sitt leyti. Áætlunina skal svo skv. greininni leggja fyrir aðalfund til kynningar. Er því um að ræða samræmingu á milli ákvæða laganna sem yfirsást að lagfæra á sínum tíma.

Núverandi grein	Tillaga (greinin orðist svo án yfirstrikana og feitletrunar)
<p><b>4.3. Fundir</b></p> <p>Formaður BHM ber ábyrgð á að fundir séu boðaðir í formannaráði og stýrir þeim. Reglulegir fundir ráðsins skulu boðaðir með dagskrá sem að jafnaði skal send út með einnar viku fyrirvara. Formaður skal með hæfilegum fyrirvara óska eftir tillögum frá formönnum aðildarfélaga að dagskrárliðum hvers formannaráðsfundar.</p> <p>Formannaráð skal á fyrsta fundi sínum eftir aðalfund setja niður fundartíma sína á starfsárinu. Það skal funda fjórum sinnum á ári hið minnsta, þar af einu sinni án þátttöku stjórnar BHM.</p> <p>Til aukafunda formannaráðs skal boða ef þriðjungur þeirra sem sæti eiga í formannaráði eða meirihluti stjórnar krefst fundar. Slíkir aukafundir skulu boðaðir öllum fulltrúum í formannaráði með dagskrá og ályktunartillögum ef fyrir liggja.</p> <p>Fundur formannaráðs telst löglegur ef boðað er til hans með sólarhrings fyrirvara.</p>	<p><b>4.3. Fundir</b></p> <p>Formaður BHM ber ábyrgð á að fundir séu boðaðir í formannaráði og stýrir þeim. Reglulegir fundir ráðsins skulu boðaðir með dagskrá sem að jafnaði skal send út með einnar viku fyrirvara. Formaður skal með hæfilegum fyrirvara óska eftir tillögum frá formönnum aðildarfélaga að dagskrárliðum hvers formannaráðsfundar.</p> <p>Formannaráð skal á fyrsta fundi sínum eftir aðalfund setja niður fundartíma sína á starfsárinu. Það skal funda fjórum sinnum á ári hið minnsta, þar af einu sinni án þátttöku stjórnar BHM.</p> <p><b>Formannaráð fylgir fundarsköpum sem ráðið setur sér og skulu gildandi fundarsköp kynnt á fyrsta fundi formannaráðs eftir aðalfund og endurskoðuð ef þörf er á.</b></p> <p>Til aukafunda formannaráðs skal boða ef þriðjungur þeirra sem sæti eiga í formannaráði eða meirihluti stjórnar krefst fundar. Slíkir aukafundir skulu boðaðir öllum fulltrúum í formannaráði með dagskrá og ályktunartillögum ef fyrir liggja.</p> <p>Fundur formannaráðs telst löglegur ef boðað er til hans með sólarhrings fyrirvara.</p>

### Rökstuðningur:

Ný málsgrein um fundarsköp. Formannaráð hefur sett sér fundarsköp og því eðlilegt að þeirra sé getið í lögum og að þau séu endurskoðuð af formannaráði reglulega, að öðrum kosti daga þau uppi.



Núverandi grein	Tillaga (greinin orðist svo án yfirstrikana og feitletrunar)
<p><b>5.0. Skipan stjórnar</b></p> <p>Stjórn skipa formaður, varaformaður, ritari, gjaldkeri og þrír meðstjórnendur.</p> <p>Formaður og varaformaður eru kjörnir sérstaklega með rafrænni kosningu en stjórnin skiptir að öðru leyti með sér verkum.</p> <p>Ritari, gjaldkeri og meðstjórnendur skulu að jafnaði sitja í stjórnnum aðildarfélaga.</p>	<p><b>5.0. Skipan stjórnar</b></p> <p>Stjórn skipa formaður, varaformaður, ritari, gjaldkeri og þrír meðstjórnendur.</p> <p>Formaður og varaformaður eru kjörnir sérstaklega <del>með rafrænni kosningu</del> en stjórnin skiptir að öðru leyti með sér verkum.</p> <p>Ritari, gjaldkeri og meðstjórnendur skulu að jafnaði sitja í stjórnnum aðildarfélaga.</p>

**Rökstuðningur:**

Það er óþarfa tvítekning „með rafrænni kosningu“ þar sem það kemur fram í gr. 5.0.1. að kjósa skuli í þau embætti rafrænt.

Núverandi grein	Tillaga (greinin orðist svo án yfirstrikana og feitletrunar)
<b>5.0.2. Kosning stjórnarmanna</b>  Kjósa skal fimm stjórnarmenn til tveggja ára í senn á, tvo stjórnarmenn eitt árið og þrjá árið á eftir. Tveir varamenn í stjórn skulu kosnir árlega.	<b>5.0.2. Kosning stjórnarmanna</b>  Kjósa skal tvo stjórnarmenn og einn varamann eitt árið og þrjá stjórnarmenn og einn varamann árið á eftir.

**Rökstuðningur:**

Greinin er umorðuð en er efnislega óbreytt að öðru leyti en því að varamenn eru framvegis kjörnir til tveggja ára, eins og lagt er til í gr. 5.2, í stað eins árs hingað til.

Núverandi grein (án yfirstrikana)	Tillaga (greinin orðist svo án yfirstrikana og feitletrunar)
<p><b>5.2. Kjörtímabil</b></p> <p>Kjörtímabil stjórnar er tvö ár en kjörtímabil varamanna <del>eitt ár.</del></p> <p>Ef formaður hættir <del>áður en ár er liðið frá kjöri</del> tekur varaformaður sæti hans fram að næsta aðalfundi og skal þá kjósa formann til tveggja ára og varaformann til eins árs.</p> <p>Verði sæti formanns laust rúmu ári frá kjöri tekur varaformaður sæti hans út kjörtímabilið og skal kjósa nýjan varaformann <del>á næsta fundi</del> formannaráðs.</p> <p>Verði sæti varaformanns laust skal kjósa nýjan varaformann <del>á næsta fundi</del> formannaráðs og sitji út kjörtímabilið.</p>	<p><b>5.2. Kjörtímabil</b></p> <p>Kjörtímabil stjórnar <b>og varamanna</b> er tvö ár.</p> <p>Ef formaður hættir <b>á fyrra ári kjörtímabils</b> tekur varaformaður sæti hans fram að næsta aðalfundi og skal þá kjósa formann til tveggja ára og varaformann til eins árs.</p> <p><b>Ef formaður hættir</b> á síðara ári kjörtímabils tekur varaformaður sæti hans út kjörtímabilið. Skal formannaráð þá kjósa nýjan varaformann <b>úr hópi meðstjórnenda</b>.</p> <p><b>Ef varaformaður hættir</b> skal á næsta fundi formannaráðs kjósa nýjan varaformann <b>úr hópi meðstjórnenda</b> og sitji út kjörtímabilið. <b>Varamaður tekur þá fast sæti sem stjórnarmaður skv. grein 5.4 og gegnir því út kjörtímabilið.</b></p>

### Rökstuðningur:

Kjörtímabil varamanna verður framvegis tvö ár eins og hjá fastanefndum og nýr varamaður kjörinn árlega. Sá varamaður sem hefur setið lengra inn á kjörtímabil er fyrst kallaður inn í forföllum sbr. gr. 5.4. Þá er áréttað að við breytingar er nýr varaformaður valinn úr hópi stjórnar. Með þeim hætti hefur greinin verið framkvæmd.

Núverandi grein	Tillaga (greinin orðist svo án yfirstrikana og feitletrunar)
<b>5.4. Stjórnarfundir</b>  Formaður boðar stjórnarfundir eigi sjaldnar en hálfsmánaðarlega. Stjórnarfund skal boða ef tveir stjórnarmenn óska og skal hann haldinn innan tveggja virkra daga frá því að ósk þess efnis er sett fram. Stjórnarfundir eru lögmætir ef meirihluti stjórnar sækir fund og ræður einfaldur meirihluti úrslitum mála á stjórnarfundum. Ef atkvæði eru jöfn ræður atkvæði formanns úrslitum. Forfallist stjórnarmaður á boðaðan stjórnarfund skal boða varamann í hans stað.	<b>5.4. Stjórnarfundir</b>  Formaður boðar stjórnarfundir eigi sjaldnar en hálfsmánaðarlega. Stjórnarfund skal boða ef tveir stjórnarmenn óska og skal hann haldinn innan tveggja virkra daga frá því að ósk þess efnis er sett fram. Stjórnarfundir eru lögmætir ef meirihluti stjórnar sækir fund og ræður einfaldur meirihluti úrslitum mála á stjórnarfundum. Ef atkvæði eru jöfn ræður atkvæði formanns úrslitum. Forfallist stjórnarmaður á boðaðan stjórnarfund skal í hans stað boða <b>þann</b> varamann <b>sem lengra er kominn á kjörtímabili</b> .

#### Rökstuðningur:

Framvegis verða allir varamenn nefnda kjörnir til tveggja ára en þannig að annar hefur setið lengra inn á sitt kjörtímabil. Sá varamaður er við forföll boðaður á fund.

Núverandi grein (án yfirstrikana)	Tillaga (greinin orðist svo án yfirstrikana og feitletrunar)
<b>6.0. Fastanefndir</b> Innan BHM starfa <del>fjórar</del> fastanefndir: ---	<b>6.0. Fastanefndir</b> Innan BHM starfa <b>eftirtaldar</b> fastanefndir skipaðar fulltrúum kosnum á aðalfundi, nema annað sé tekið fram. Kjörtímabil fulltrúa og varamanna er tvö ár. Fulltrúar fastanefnda skulu vera fullgildir félagsmenn í aðildarfélagi BHM og enginn skal sitja í sömu nefnd lengur en átta ár samfellt.  Framkvæmdastjóri BHM kallar fastanefndir saman til fyrsta fundar eftir aðalfund þar sem nefndarmenn skipta með sér verkum. Fastanefndir skulu halda fundargerðir.  Stjórn setur fastanefndum erindisbréf sem formannaráð gefur út. Þess skal gætt að skipan í nefndir endurspegli sem best samsetningu BHM.

### Rökstuðningur

Grein 6.0 verður sameiginleg fyrir allar fastanefndir en áður var ákvæðin að finna hér og þar í lögunum og því gjarnan tiltekin margoft. Það er formfest að framkvæmdastjóri BHM kallar nefndir saman til fyrsta fundar og stýrir fundi þar til nefnd hefur skipt með sér verkum. Áréttað er að fulltrúar í fastanefnd skuli vera fullgildir félagsmenn í aðildarfélagi BHM. Varamenn verða kosnir til tveggja ára í stað eins árs eða tveggja ára áður. Framboðsnefnd verður fastanefnd og kjörin til tveggja ára.

Núverandi grein (án yfirstrikana)	Tillaga (greinin orðist svo án yfirstrikana og feitletrunar)
<p><b>3.2. Framboðsnefnd</b></p> <p>Framboðsnefnd skal kosin á aðalfundi og skal vera skipuð fimm aðilum og tveimur til vara. <del>Skipunartími framboðsnefndar er milli aðalfunda BHM.</del></p> <p>Nefndarmenn skulu vera fullgildir meðlimir aðildarfélaga BHM.</p> <p><del>Stjórn BHM kallar nefndina saman að jafnaði innan mánaðar frá aðalfundi BHM. Á fyrsta fundi skiptir nefndin með sér verkum.</del></p> <p>Hlutverk framboðsnefndar er að auglýsa eftir frambjóðendum í trúnaðarstörf, skv. lögum þessum, m.a. til formanns, varaformanns, stjórnarmanna BHM, nefndarmanna í fastanefndir auk varamanna. Nefndin skal tryggja að framboð séu í samræmi við lög þessi. Komi ekki fram framboð í öll trúnaðarstörf skal nefndin kalla eftir viðkomandi framboðum að nýju og/eða leita til aðildarfélaga eftir framboðum.</p> <p>Framboðsnefnd starfar eftir <del>sérstökum</del> reglum sem formannráð setur <del>hverju sinni</del>. Framboðsnefnd skilar lista með nöfnum frambjóðenda í kjöri eigi síðar en 8 vikum fyrir aðalfund BHM til kjörstjórnar BHM.</p>	<p><b>6.0.1. Framboðsnefnd</b></p> <p>Framboðsnefnd er skipuð fimm fulltrúum og tveimur til vara. Kjósa skal tvo fulltrúa og einn varamann eitt árið og þrjá fulltrúa og einn varamann árið á eftir.</p> <p>Hlutverk framboðsnefndar er að auglýsa eftir frambjóðendum í trúnaðarstörf, skv. lögum þessum, m.a. til formanns, varaformanns, stjórnarmanna BHM, nefndarmanna í fastanefndir auk varamanna. Nefndin skal tryggja að framboð séu í samræmi við lög þessi. Komi ekki fram framboð í öll trúnaðarstörf skal nefndin kalla eftir viðkomandi framboðum að nýju og/eða leita til aðildarfélaga eftir framboðum.</p> <p><b>Framboðsnefnd auglýsir eftir frambjóðendum til trúnaðarstarfa í sjóðum BHM að beiðni stjórna sjóðanna.</b></p> <p>Framboðsnefnd starfar eftir reglum sem formannaráð setur.</p> <p>Framboðsnefnd skilar kjörstjórn BHM lista með nöfnum frambjóðenda í kjöri eigi síðar en 4 vikum fyrir aðalfund. <b>Framboðsnefnd skilar listum til stjórna sjóða BHM þegar framboðsfrestur er liðinn.</b></p>

### Rökstuðningur

Lagt til að framboðsnefnd verði framvegis fastanefnd skipuð til tveggja ára í stað þess að vera skipuð til eins árs. Í framkvæmd hefur framboðsnefnd einnig séð um framboð til stjórna sjóða þrátt fyrir að það hafi ekki verið nefnt sérstaklega í hlutverki hennar. Er lagt til að það verði hluti af hlutverki framboðsnefndar að sjá um framboð til stjórna sjóða BHM en þó þannig að það sé að beiðni stjórna sjóðanna því skipulagsskrár þeirra gera ekki ráð fyrir slíku fyrirkomulagi.

Samkvæmt gildandi lögum skal framboðsnefnd skila kjörstjórn niðurstöðum sínum 8 vikum fyrir aðalfund. Svo rúmur frestur er ekki nauðsynlegur og því lagt til að fresturinn verði framvegis miðaður við skil 4 vikum fyrir aðalfund.

Núverandi grein (án yfirstrikana)	Tillaga (greinin orðist svo án yfirstrikana og feitletrunar)
<p><b>6.0.1 Kjörstjórn</b></p> <p>Kjörstjórn <del>skal</del> skipuð þremur <del>mönnum</del> og <del>einum</del> til vara. <del>Tveir nefndarmenn skulu kosnir á aðalfundi auk varamanns.</del></p> <p>Lögmaður starfandi hjá BHM skal taka sæti í kjörstjórn og vera formaður nefndarinnar.</p> <p>Hlutverk kjörstjórnar er:</p> <p>Að stýra rafrænni kosningu formanns og varaformanns.</p> <p>Að stýra öðrum kosningum til trúnaðarstarfa hjá BHM, sbr. 2. mgr. 3.6. laga BHM.</p> <p>Að undirbúa og stjórna atkvæðagreiðslu um verkfallsboðun og kjarasamninga í samræmi við umboð viðkomandi aðildarfélags BHM.</p> <p>Að undirbúa og stjórna öðrum atkvæðagreiðslum sem kveðið er á um í lögum BHM.</p> <p>Að undirbúa og stjórna öðrum atkvæðagreiðslum sem formannaráð BHM felur kjörstjórn sérstaklega.</p> <p>Kjörstjórn úrskurðar um úrslit í atkvæðagreiðslu, kjörskrárkærur, vafaatkvæði og önnur ágreiningsatriði sem upp kunna að koma í atkvæðagreiðslum sem hún sér um.</p>	<p><b>6.0.2. Kjörstjórn</b></p> <p>Kjörstjórn <b>er</b> skipuð þremur <b>fulltrúum</b> og <b>tveimur</b> til vara. <b>Kjósa skal einn fulltrúa og einn varamann árlega.</b> Lögmaður starfandi hjá BHM skal taka sæti í kjörstjórn og vera formaður nefndarinnar.</p> <p>Hlutverk kjörstjórnar er:</p> <p>Að stýra rafrænni kosningu formanns og varaformanns.</p> <p>Að stýra öðrum kosningum til trúnaðarstarfa hjá BHM, sbr. 2. mgr. 3.6. laga BHM.</p> <p>Að undirbúa og stjórna atkvæðagreiðslu um verkfallsboðun og kjarasamninga í samræmi við umboð viðkomandi aðildarfélags BHM.</p> <p>Að undirbúa og stjórna öðrum atkvæðagreiðslum sem kveðið er á um í lögum BHM.</p> <p>Að undirbúa og stjórna öðrum atkvæðagreiðslum sem formannaráð BHM og stjórn BHM felur kjörstjórn sérstaklega.</p> <p>Kjörstjórn úrskurðar um úrslit í atkvæðagreiðslu, kjörskrárkærur, vafaatkvæði og önnur ágreiningsatriði sem upp kunna að koma í atkvæðagreiðslum sem hún sér um.</p> <p><b>Fulltrúar í kjörstjórn skulu víkja sæti við meðferð máls teljist þeir vanhæfir til meðferðar þess.</b></p>

## Rökstuðningur

Lagt er til að varamenn í kjörstjórn verði tveir í stað eins áður og til samræmis við aðrar fastanefndir. Jafnframt að árlega verði kjörinn aðalmaður og varamaður til tveggja ára í senn. Bætt er inn áréttingu um að fulltrúar víki sæti teljist þeir vanhæfir til meðferðar máls. Hefur verið þannig í framkvæmd en þá sem óskráð regla.



Núverandi grein (án yfirstrikana)	Tillaga (greinin orðist svo án yfirstrikana og feitletrunar)
<b>6.0.2 Kjara- og réttindanefnd</b>  Kjara- og réttindanefnd, skipuð fimm fulltrúum, fjórum kjörnum á aðalfundi auk eins fulltrúa úr stjórn BHM. Að auki skal kjósa tvo varamenn á aðalfundi. <del>Nefndarmenn velja úr sínum hópi formann nefndarinnar til eins árs í senn.</del>	<b>6.0.3. Kjara- og réttindanefnd</b>  Kjara- og réttindanefnd er skipuð fimm fulltrúum, þar af einum úr stjórn BHM. <b>Kjósa skal tvo aðalmenn og einn varamann árlega.</b> Hagfræðingur BHM situr fundi nefndarinnar og er ritari hennar.  Hlutverk kjara- og réttindanefndar er: Að safna upplýsingum um kjara- og réttindatengd mál fyrir bandalagið og aðildarfélög þess. Að standa fyrir könnunum og greiningum á málefnum er varða kjara- og réttindatengd mál í stefnu bandalagsins. Að koma upplýsingum um kjara- og réttindatengd mál á framfæri við bandalagið og aðildarfélög þess. Að vera bandalaginu og aðildarfélögum þess til ráðgjafar vegna kjara- og réttindatengdra mála. Að fylgjast með þróun mála á vinnumarkaði og í vinnurétti. Að hafa eftir atvikum frumkvæði að skoðun og eftirfylgni mála á vettvangi kjarasamninga og vinnumarkaðar. Að halda opna fundi og kjararáðstefnur.  Nefndin skal skila starfsáætlun til stjórnar BHM í september ár hvert.

### Rökstuðningur

Samræming kjörtímabils og varamanna. Í gildandi lögum er ekki fjallað um hlutverk nefndarinnar. Er hér lagt til að í greinina komi helstu hlutverk nefndarinnar sem koma fram í erindisbréfi nefndarinnar. Erindisbréfið er þó ítarlegra hvað verkefni nefndarinnar varðar.

Núverandi grein (án yfirstrikana)	Tillaga (greinin orðist svo án yfirstrikana og feitletrunar)
<p><b>6.0.3. Jafnréttisnefnd</b></p> <p>Jafnréttisnefnd, skipuð fimm fulltrúum, fjórum kjörnum á aðalfundi auk eins fulltrúa úr stjórn BHM. Að auki skal kjósa tvo varamenn á aðalfundi. Nefndarmenn velja úr sínum hópi formann nefndarinnar til eins árs í senn.</p>	<p><b>6.0.4. Jafnréttisnefnd</b></p> <p>Jafnréttisnefnd er skipuð fimm fulltrúum, þar af einum úr stjórn BHM. <b>Kjósa skal tvo aðalmenn og einn varamann árlega.</b> Sérfræðingur BHM situr fundi nefndarinnar og er ritari hennar.</p> <p>Hlutverk jafnréttisnefndar er:</p> <p>Að fjalla um jafnréttismál, meðal annars á grundvelli laga um jafna stöðu og jafnan rétt kynjanna og laga er banna mismunun hvers konar.</p> <p>Að vera bakhjarl fulltrúa BHM í nefndum og ráðum er snúa að jafnréttismálum, launajafnrétti á vinnumarkaði og öðrum tengdum sviðum.</p> <p>Að fjalla um þátttöku BHM að sameiginlegum viðburðum um jafnréttismál á vettvangi samtaka launafólks. Má þar nefna Alþjóðlegum baráttudegi kvenna 8. mars og Kvinnadegi Sameinuðu þjóðanna 24. október ár hvert.</p> <p>Að fylgjast með störfum stjórnvalda og vinnuveitenda á sviði jafnréttismála og leggja drög að afstöðu BHM til þeirra.</p> <p>Að vera stjórn og formannaráði BHM ráðgefandi, t.d. hvað varðar tillögur og ályktanir vegna lagafrumvarpa er varða jafnréttismál á breiðum grunni.</p> <p>Nefndin skal skila starfsáætlun til stjórnar BHM í september ár hvert.</p>

### Rökstuðningur

Samræming kjörtímabils og varamanna. Í gildandi lögum er ekki fjallað um hlutverk nefndarinnar. Er hér lagt til að í greinina komi helstu hlutverk nefndarinnar sem koma fram í erindisbréfi nefndarinnar. Erindisbréfið er þó ítarlegra hvað verkefni nefndarinnar varðar.

Núverandi grein (án yfirstrikana)	Tillaga (greinin orðist svo án yfirstrikana og feitletrunar)
<p><b>6.0.4. Lagabreytinganefnd</b></p> <p>Lagabreytinganefnd, skal skipuð fimm fulltrúum kjörnum á aðalfundi. <del>Nefndarmenn velja úr sínum hópi formann nefndarinnar.</del> Lögmaður BHM skal sitja fundi nefndarinnar og vera ritari hennar.</p> <p>Nefndin skal skila niðurstöðum sínum og tillögum til stjórnar BHM eigi síðar en sex vikum fyrir aðalfund. <del>Hún sendir þær aðildarfélögum til kynningar minnst fjórum vikum fyrir aðalfund.</del></p> <p>Hlutverk lagabreytinganefndar er: Að kalla eftir tillögum aðildarfélaga til lagabreytinga, meta tillögur og draga saman niðurstöðu til frekari vinnslu ef við á. Fara yfir lög BHM og gera tillögur að breytingum ef tilefni er til.</p>	<p><b>6.0.5. Lagabreytinganefnd</b></p> <p>Lagabreytinganefnd er skipuð fimm fulltrúum, <b>þar af einum úr stjórn BHM. Kjósa skal tvo aðalmenn og einn varamann árlega.</b></p> <p>Lögmaður BHM situr fundi nefndarinnar og <b>er</b> ritari hennar.</p> <p>Hlutverk lagabreytinganefndar er: Að kalla eftir tillögum aðildarfélaga til lagabreytinga, meta tillögur og draga saman niðurstöðu til frekari vinnslu ef við á. Fara yfir lög BHM og gera tillögur að breytingum ef tilefni er til.</p> <p>Nefndin skal skila niðurstöðum sínum og tillögum til stjórnar BHM eigi síðar en sex vikum fyrir aðalfund.</p>

### Rökstuðningur

Samræming kjörtímabils og varamanna. Efnislega er ákvæðið óbreytt að öðru leyti en því að lagt er til að stjórn eigi fulltrúa í nefndinni og málsgreinum er víxlað þannig að fyrst er fjallað um hlutverk nefndarinnar og svo kemur ákvæði um að nefndin skili niðurstöðum sínum til stjórnar.

Í gildandi lögum er kveðið á um að nefndin sendi tillögur sínar aðildarfélögum til kynningar minnst fjórum vikum fyrir aðalfund. Lögin gera einnig ráð fyrir að stjórn leggi tillögurnar fram og að þær séu hluti af fundargögnum aðalfundar. Það er því misræmi þarna á milli ákvæða og lagt til að það sé aðeins stjórnar að senda út tillögurnar.

Núverandi grein	Tillaga (greinin orðist svo án yfirstrikana og feitletrunar)
<b>6.2. Opnir fundir</b>  Opnir fundir fastanefnda, sem fulltrúar allra aðildarfélag BHM mega sækja, skulu haldnir reglulega eða eigi sjaldnar en árlega. Markmið slíkra opinna funda er að gefa öllum félögum kost á að láta úrlausnarefni nefndarinnar til sín taka og koma sjónarmiðum á framfæri við nefndarmenn.	<b>6.2 Opnir fundir</b> Opnir fundir fastanefnda, <b>utan kjörstjórnar og framboðsnefndar</b> , sem fulltrúar allra aðildarfélag BHM mega sækja, skulu haldnir reglulega eða eigi sjaldnar en árlega. Markmið slíkra opinna funda er að gefa öllum félögum kost á að láta úrlausnarefni nefndarinnar til sín taka og koma sjónarmiðum á framfæri við nefndarmenn.

#### Rökstuðningur:

Starf kjörstjórnar og framboðsnefndar er þess eðlis að ekki þykir rétt að gera kröfu til þess að þær haldi opna fundi eins og aðrar fastanefndir.

Núverandi grein	Tillaga
<p><b>6.3. Kjörtímabil</b></p> <p>Kjörtímabil fastanefnda er tvö ár og miðast við aðalfund. Stjórn setur fastanefndum erindisbréf. Enginn skal sitja í sömu nefnd lengur en átta ár samfelld.</p> <p>Formannaráð gefur út erindisbréf nefnda. Þess skal gætt að skipan í nefndir endurspegli sem best samsetningu BHM.</p>	<p><b>Grein fellur brott.</b></p>

**Rökstuðningur:**

Það sem fram kemur í gildandi gr. 6.3 kemur nú fram í upphafi 6. kafla í grein 6.0. Er því ekki um efnislega breytingu að ræða.

Núverandi grein	Tillaga
<b>11.0. Gildistaka</b> Framangreindar lagabreytingar, samþykktar á aðalfundi BHM 23. maí 2019 og framhaldsaðalfundi 20. júní 2019, taka þegar gildi.	<b>Greinin fellur brott</b>

**Rökstuðningur:**

Greinin er órökrétt eins og hún hefur staðið í lögunum. Ekki er þörf á að hafa sérstaka númeraða lagagrein sem segir hvenær lögunum var síðast breytt. Það er nægjanlegt að það komi fram eins og nú er, efst í lögunum eins og þau eru birt. Rekjanleiki er til staðar í fundargögnum aðalfunda og komist er hjá því að uppfæra 11. gr. í hvert skipti sem breytingar verða á lögunum.

Núverandi grein (án yfirstrikana)	Tillaga (greinin orðist svo án yfirstrikana og feitletrunar)
<b>Bráðabirgðaaákvæði</b> 12.1. Þrátt fyrir ákvæði 3.2. skal formannaráð BHM á fyrsta fundi sínum eftir aðalfund 2019 skipa framboðsnefnd BHM. 12.2. Þrátt fyrir ákvæði 6.0.1. skal formannaráð BHM á fyrsta fundi sínum eftir aðalfund 2019 skipa fulltrúa í kjörstjórn BHM og einn til vara. 12.3. Þrátt fyrir ákvæði 6.0.2. skal formannaráð BHM á fyrsta fundi sínum eftir aðalfund 2019 skipa varamenn í kjara- og réttindanefnd BHM. 12.4. Þrátt fyrir ákvæði 6.0.3. skal formannaráð BHM á fyrsta fundi sínum eftir aðalfund 2019 skipa varamann í þjónustu- og aðbúnaðarnefnd BHM. 12.5. Þrátt fyrir ákvæði 6.0.4. skal formannaráð BHM á fyrsta fundi sínum eftir aðalfund 2019 skipa varamenn í jafnréttisnefnd BHM.	<b>Bráðabirgðaaákvæði</b> 11.1. Þrátt fyrir ákvæði gr. 5.0.2 og 5.2 um kjörtímabil varamanna stjórnar skal á aðalfundi 2022 kjósa einn varamann til eins árs og einn varamann til tveggja ára. 11.2. Þrátt fyrir ákvæði gr. 6.0.1 um framboðsnefnd skal á aðalfundi 2022 kjósa til tveggja ára þrjá fulltrúa og einn til vara og kjósa til eins árs tvo fulltrúa og einn til vara. 11.3. Þrátt fyrir ákvæði gr. 6.0.2 um kjörstjórn skal á aðalfundi 2022 kjósa til tveggja ára einn fulltrúa og einn til vara og kjósa til eins árs einn fulltrúa og einn til vara. 11.4. Þrátt fyrir ákvæði gr. 6.0.3 um kjara- og réttindanefnd skal á aðalfundi 2022 kjósa einn varamann til tveggja ára. 11.5. Þrátt fyrir ákvæði gr. 6.0.5 um lagabreytinganefnd skal á aðalfundi 2022 kjósa til tveggja ára tvo fulltrúa og einn til vara og kjósa til eins árs tvo fulltrúa og einn til vara. Fulltrúi stjórnar BHM tekur sæti í nefndinni að loknum aðalfundi 2022.

### Rökstuðningur:

#### 11.1. um kjörtímabil varamanna í stjórn

Tveir varamenn kjörnir til eins árs á aðalfundi 2021. Á aðalfundi 2022 þarf því að kjósa einn varamann til tveggja ára og einn til eins árs.

#### 11.2. um framboðsnefnd

Fimm fulltrúar kjörnir til eins árs á aðalfundi 2021 og tveir til vara. Á aðalfundi 2022 þarf því að kjósa til tveggja ára þrjá fulltrúar og einn til vara og til eins árs verða kosnir tveir fulltrúar og einn til vara.

### **11.3. um kjörstjórn**

Kjörstjórn var kjörin til tveggja ára á aðalfundi 2020 og næsta kjör því á aðalfundi 2022. Þá þarf að kjósa einn fulltrúa til tveggja ára og einn fulltrúa til eins árs.

### **11.4. um kjara- og réttindanefnd**

Kjör aðalmanna er í réttum takti. Á aðalfundi 2021 eru kjörnir tveir varamenn til eins árs. Á aðalfundi 2022 þarf að kjósa einn varamann til tveggja ára og annan til eins árs.

### **11.5. um lagabreytinganefnd**

Lagabreytinganefnd var öll kjörin á aðalfundi 2020 og verður því engin breyting á aðalfundi 2021. Á aðalfundi 2022 þarf því að kjósa helming til tveggja ára og helming til eins árs. Þar sem engar breytingar verða á nefndinni fyrr en á aðalfundi 2022 kemur fulltrúi stjórnar BHM ekki inn í nefndina fyrr en að honum loknum.